

南開大學中國社會史研究中心資料叢刊

近代圖書館史料彙編

21



鳳凰出版社

南開大學中國社會史研究中心資料叢刊

近代圖書館史料彙編  
21



鳳凰出版社

第二十一册

江蘇省立國學圖書館 第三年刊 民國十九年

.....  
一

第三年刊

江蘇省立國學圖書館

民國十九年



國學圖書館

第三年刊

張君題



一學圖書館第三年刊

每冊實價大洋一元郵費五分

編輯者 國學圖書館

印刷者 南京公孚印書局

發行者 南京龍蟠里本館

代售處

首都中華書局  
蘇州振新書社  
上海商務印書館  
上海蟬隱廬  
天一書局  
杭州抱經堂  
中國書店  
北平岡書館

中華民國十九年十一月付印  
初版

## 國學圖書館徵求海內世族譜牒啓事

華夏民族蕃殖亞東史乘蟬嫣世莫與匹自世本迄隋唐史志譜牒之學蔚爲專門  
五季遼金殊族雲擾沿及滿清譜學遂微官私藏書罕及家譜世族所刊僅供子姓  
之藏皮罕有綜而述之者 總理建國首重民族主義合千萬有譜之族始可以徵  
吾華全民族之信史至如統計人口研究善種尤非廣集族譜不足以得確證本館  
有鑒于此建議于前中華民國大學院徵集海內世族譜牒儲之本館以供史學家  
統計學家善種學家之研究大雅宏達志光家國幸加贊助廣爲勸集無論舊刻新  
刊總譜支譜本館一律徵收如荷捐寄編登館目代爲寶存普及閱覽既可垂之久  
遠復可昭示家聲書到之時立寄收據並揭示館內以昭公誼特此布告

南京旱西門龍蟠里國學圖書館敬啓





本館館員范君未研遺像

## 范君墓誌銘

王煥鏞

民國十九年七月十日范君卒其兄冠東以狀走京師告余曰弟之殉也以銘文闕子子毋辭焉乎余交君篤且久敢不諾而銘之君諱希曾字未研號穉露淮陰人幼孤力學落落自將爲文淵懿淳畜以桐城方姚爲則長游江南受業丹徒柳師益聞前世魁儒長者之緒翫然欲與之並不肯同衆人窳黷腐朽而用心於目錄校讎之學尤勤細而一字一句大而古今載籍之浩瀚手獵目眇旁參曲證摘謬而補罅疑釋而趣張嘗慨夫二千年來公私著錄書目多判焉不相蒙襲欲撰歷代經籍志以觀其會通又欲舉所翫獲著爲校讎新論詔示來學自以上承中壘有序有本與夫破碎猥屑者不同蓋君之志可見者如此使永其年以充其好其進也可量哉惜乎年三十一而遂止也君書成者書目答問補正五卷南嶽遺篋一卷評清史稿藝文志一卷天問校語一卷柳師長國學圖書館招君編纂三年成目錄如干卷君既委己於學又體羸善病平居凝然務絕於俗吹笙彈箏朋游燕飲之會終歲不一往利害得失顯晦之端未嘗以措意斗室之內超焉遐思究極要眇以爲天下之至樂在是矣於世不翕翕爲容亦不露圭角以自峻衆皆推其沈默然遇良朋辨是非雅俗汨汨不可窮其古之狂狷者流邪邪君畢業南京高等師範曾祖裕源祖冕父達儀皆清諸生以文行著配蕭氏懋卿同里右族無子以兄子祥後將於其卒之年 月 日葬 所之原銘曰

## 挽未研先生


趙曾儔

五世知名推范氏集解穀梁有武子屬辭比事善於經寂寞千載無人理河東家法著丹徒賓叔榮宗二難起指陳大義述微言晚有大師濟其美君家本出武子孫受學今復承斯軌校讎專業發多方振孫公武平生擬盱衡近世訂藝文斐然撰叙隆法揆不爲憂思廢苦辛欲以密察迴衰噬有書不教劉向成無命竟作顏回死有友堪爲布稿編有師還爲著銘誄沒世修名可慰君何必延年著金紫我行江介始相逢見君師友意然喜深談尚論共興嘆各發所懷彈鄙俚吾夏文史異他邦遠溯萬年猶無已欲考九頭證五龍試解一足明三家用夷諱俗盡支離疑古惑經空弔詭君一聞之擊節催酌酒多欣輒移晷何期一別遂長眠屈指爲時兩耳豈惟吾曹傷摯朋亦爲中邦悲國士弔君更振阻關山且贊瓌彬俟青史


## 挽范未研

柳詒徵


南雍三范叔尤賢犀照中涵適老先袁浦早研丁部目鄭堂名重獻箋溫溫雅性期千古草草駒光止卅年病骨車塵猶在眼何期匝月隔人天




本館書畫展覽會攝影之一



本館書畫展覽會攝影之二



本館書畫展覽會攝影之三



本館書畫展覽會攝影之四



譚組安先生遺墨

尔白文，未得转读焉。  
起居行出，既作致集。  
新印成卷，二部存。  
一部，馆中亦存。  
梁，潘先生。 庚午年。

尔白文，未得转读焉。  
起居行出，既作致集。  
新印成卷，二部存。  
一部，馆中亦存。  
梁，潘先生。 庚午年。



